



12 de decembro de 2011. Os puntos limpos deseñáronse para xestionar aqueles residuos urbanos tóxicos, perigosos ou especiais que non deben xuntarse co lixo domiciliario. Usualmente, son os concellos quen os xestionan e a veciñanza debe trasladar voluntariamente os seus residuos (pilas, lámpadas, ordenadores, aceites...) coa garantía que van ser tratados axeitadamente. Porén, moitos puntos limpos son instalacións virtuais:

[non están abertos](#)

ou

[funcionan mal](#)

. Nestes casos rematan sendo simples "aparcadoiros de lixo" no que os residuos amoreados carecen das mínimas garantías sanitarias e ambientais. Tal é o caso do "punto limpo" do concello das Neves: baterías polo chan, anacos de uralita ciscados entre cascallos, aceites rebordando coa chuvia dun contentor aberto e fluindo polo chan...



Dada a natureza dos refugallos que acollen estas instalacións, é importante que os protocolos de recolida, almacenamento e tratamento destes sexan escrupulosamente respectados. A cidadanía confía en que as administracións cumpran as garantías sanitarias e ambientais no manexo destes residuos: para iso molestámonos en separar axeitadamente e desprazámonos até estes recintos cos nosos refugallos.

A realidade dos residuos en Galiza: "Puntos limpos" ou simples vertedoiros de produtos perigosos?

